

* آیدین شمندفرلنده دخی غره و باشلادی. دوام ایدیور. یولدن خط چیئارمق و تعطیل اشغاله سبب اولدقلری ایچون حبس ایدیلن آرقداشلری تخیلیض یولنده تجاوزات مسلحهده بولنق کبی افعاله جرأت ایدن عمله ایله عسکر اره سنده بر مصادمه مؤسفه اولمشدر. بو تعطیل اشغالکده اناطولی و شرق تیمور بوللری غره ولری کبی قریباً حسن نتیجه یه پیوسته اوله جغنی امیدایدرز.

ابن الضیا

اجال خارجی

کچن اجمالزده کشف حادثه سی ایله شمندوفر مسئله سی ظهور ایتسه ایدی بلغارستان ایله اولان مناسبتمز حسن حالده قالدق، محور اخلاص و محادنت اوزرنده دوران ایده جکمی ایدی ؟ سؤالی ایراد ایتش ، اک زیاده تدقیقه محتاج اولان نقطه بو جهت اولدیغنی و بوکا جواب ویره بیلمک ایچون بلغارستانک نصل تشکل و توسع ایتدیکنی و مشروطیت عثمانیه نك افق سیاست و موجودیت مزده نه قدر شعله بار بر استقبال آچدیغنی تأمل ایتک لازم کلدیکنی سویلمش ایدک . اره دن بر هفته کچمدهن وقوعات بو تدقیقات و نوغلاتمک نتیجه فعلیه سی پیش انظار مزه وضع ایدیوردی . ارتق کشف حادثه سی ایله شمندوفر مسئله سی تحدث ایتسه ایدی بلغارستانک اعلان استقلال ایده میه جکنه قائل اوله جق، فردیناندک بو وادیده کی مدعیاتنه اینانه جق بر فکر سطحی بولنه مز . مشروطیت عثمانیه نك یکدن تأسسندن برو جریان ایدن احوالک هر بری اعلان استقلال کیفیتک بر لحظه ده تقرر ایتدیکنی . بو تشبک له و عیلهنده صادر اوله بیله جک ملاحظاتک یکان یکان طار تلدیغنی خلاصه کافه تفرعانی تأمل و احضار اولدیغنی یک واضح بر صورتده نشر و افهام ایدیور . اول امرده روسیه حکومتی پترسبورغ سفیری طرخان باشانک چار حضر تلری طرفندن صورت رسمیه ده قبولی عقبنده امارته بر حرکت خود سرانده بولنماسنی ، بولندینی تقدیرده

روسیه نك مظاهرتنه مظهر اوله میه جغنی و حرکتك بتون مسؤلیتی بلغارستانه عائد اوله جغنی اخطار ایتمیشیدی. امارتک خفی برمه قصدی اولدینی حس ایدلمسه ایدی روسیه حکومتی بو اخطار اتده بولمغه لزوم کوریرمی ایدی ! ثانیاً مشروطیت اداره مزك قاهره عثمانیده یاشایان بالچله اقوامك سعادتق. ممالك عثمانیه ده حضور واسایشك استقرارینی تأمین ایدرجکی حقنده کی امن واعتمادلر . حق مزده کی اخلاصلر حقیقی ، صمیمی اولسلر ایدی روسیه ، اوستریا ، وایتالیا خارجیجه ناظری پجاری طوتشمش کی قوشوشه رق بربریه کورشمکده جالب دقت برتهالک واستهجال کورترلر می ایدی ؟ الحاصل بلغار مسئله سی فرانسلرک دیدیکی کی بر Coup de tête دکلدر . اولجه دوشونیلرک همیشه واحضایدمشدر . بو احضاراتک صوگ لاحقه سی ده ، اوینانه جق او یونک پروواسی قیلندن اوله رق ، پشته ده فردینانده ایدیلان مراسم قبولیه فوق العاده در . ایشه محاکمه مزی بونقطه نظر دن یوروتنه جک اولور سه ق دیه بیلرک بلغار استقلالنه کشوف حادثه سی کی بر حادثه ساکتانه نك بهانه اولماسی خیر لیدر . بو حادثه اولماسه ایدی ، بشقه سی بولنوردی . خط امتیازده قائل بر جیعه احداث اولنه بیلور ، مسئله ضروری الوقوع بر محاربه ایله باش کوسره بیلردی . بونک نتیجه سی ، نتایجی نه اوله جغنی ایسه کیسه کسیدرمز ! لکن شمدی نه اوله جق ؟ اوت شمدی نه اوله جق ؟ ایشه بتون اوروپا دیپلوماسینک اوکنه آتیلان بر معمای مشکل ! ملت عثمانیه سینه سنده کی استبداد یارملرندن متولد ضعف و ناتوانی سی ، و بلکه ده شمدی صرف بر رسمیت کسب ایدن ضایعاته چوقدن دوچار اولش اولدینی حس و ادراک ایدرک اوله بلغارستاندر ، همان دین زمانده اوستریا دن کان ضربه عهدشکنانه یه عثمانیلره مخصوص بر سکون و وقار ایله مقابله ایتدی . دولت ایسه پرنس فردینانک ریاکارانه تلغرافامه سنه جواباً معامله واقعه یی پروتسو ایتدی و بو پروتسو سی دولترده بالنبلغ بین الدول بر قونفره عقدیه حل مسئله اولتمیسی تکلیف ایتدی . شوسطرلرک یازلدینی هنکامده دولتک اجرا آتی بوندن عبارتدر .

کله م اوروپا دولترینه : بلغارستانک استقلالق ، و اوستریا نك بوسنه و هر سکی ضمیمه ممالك ابتدکی اعلان ایندکلری خبرینک شیوعی اوزرینه الك اول روسیه

حکومتک را بی حقنده بر تلغرافنامه ورودی استدی. بوتلغرافنامه ده برلین عهدنامه سی بلغارستانک حرکتی ایله بیر تلمش اولدیغندن روسیه حکومتک دولتری بر قونفره عقدینه دعوت ایده جکی بیان و برده ضررینی تلافی ایچون بوغازلرک سربستی مروری مسئله سنی اورتیه قویه جنی علاوه ایدیلیوردی. بوتلغرافنامه بالطبع احتیاطله تلقیه سزادر. روسیه حکومتک بر طرفدن حقوق عثمانیه ای دیلان تعدیه اعتراض ابتدیی حالده دیگر طرفدن ده بوتعدیه بر تعدی دهافضامانی انساج ایده جک بر تکلیف درمیان ایتمسی مستبعد کورلمک ضروریدر. او یله بر مقصدله تکلیف ای دیلان قونفره به اکثر دولترلرله برابر حکومت عثمانیه دخی یناشه مزه، وشو وجهله روسیه حکومتی کندی تکلیفی ینه کندیسی عقیم بر اقبش اولوردی. بالذات حکومت عثمانیه نک قونفره تکلیفنده بولنسی ده بویه بر اجتماع دولیده اتحاد اوله جق مقرر آدن بر نتیجه مضره حدوثنه احتمال ویرلمدیکنی کوستر. دول ممضیه مشترک نک رأیلری منضم اولمده بر معاهده دولیه نک تعدیل ایدلمسینه انکلترونک قائل اوله میه جنی و بناء علیه برلین عهدنامه سنه مغایر بر معامله بی طانییه جنی فرانسه، روسیه، انکلترونه و روسیه نک نقطه نظرلری بر اولوب ادامه آسایش ایچون مساعی ممکنه صرفه میال بولندقلری و برده قونفرده حکومت سنیه نک تلافی ضایعاتی جهتی تذکر اوله جنی ده بو کونه قدر النان حوادث مهمه تلغرافیه دندر. جای دقتدرکه بو حوادث مهمه آره سنده المانیان هیچ بحث ایدلما مکده در. یالکزر المان غرتلرینک محاکمات و مطالعاتنه حصر مقال ایدیلیور. بو اوراق حوادثک زبده نشریاتی بوسنه وهرسکه اوستریانک اجزای متمم سی نظریله باقعه اوروپانک چوقندرد آشمش اولدیغی، بلغارستانه کلنجه تابعیت ظاهره سندن ضرردکل فائده کوردیکی ایچون بر عنوان اغورینه بونجه فوائدی فدا ایتمسی شایان استغراب اولدیغی وهر حالده اوستریانک قراری ایله بلغارستانک حرکتی آره سنده بر مناسبت کورلمسی موجب تأسف بولندیغی مرکرنده در. یوق یالکزر بو مرکرده دکل ... عثمانیلرک سلاحه صارلمسی احتمالی، حتی لزومی ده بر طاقم جل معوجه ایله تلمیح ایدیلیور، فقط بو تلمیح لیرک همان عقینده نتیجه غلبه اوله رق بر فائده مادیه بکنه میه جکی، شرقی روم ایلینک اعاده سی عیدم الامکان اولدیغی ده ایلرو سورولیور، ترکیه سی

تساليا محاربه سندن صكره موضوع «صليک حكمر ما اولدينى ممالكده هلال قائم اوله مز» قاعدهسى اخطار اولونيور. المان پولتيقه سنك اس الاسانى وضع ايتمش اولان پرنس بسمارك رايجشتاغ مجلسنده «ترکيا اغورينه المانيا پومرانيا عسکرينک برکيکنى فدا ايده مز» ديدکنى بيلديکمز ايچون المانيا دن بشقه درلو بر حرکت بکليه مز ايده. خصوصاً که المانيا حکومتى بزه الك زياده محب و مظاهر کورنديكى زمانلرده بيله بو دستور حرکتدن آيرلمدى. شو صوگ يکرمى اوتوز سنه ظرفنده دولت عثمانيه نك باشنه آچيلان غايله لر انساننده المانيا نك نه صورتله حرکت ايتديکنى تخطر ايدرسه نك فکر مزده اصابت ايتديکمز تظاهر ايلر. شرقى روم ايلي وقعه سنده، کريد حادثه سنده، لوراندوايشنده ما که دنيا مسئله سنده المانيا بزه هانكي بر ياردمده بولندى؟ دينه نك که انکلتريه حکومتى ده مظاهر کور نمدى، بالعکس هر خصوصه بزه اظهار خصوصت ايتدى. ملاحظه بک طوغرى، فقط انکلتريه حکومتى منحوس، مشنوم، انسانيت ايچون موجب شين وعار بر حکومت مستبديه قارشو حرکت ايدبور، او حکومت لثيميه قارشو حس ايتديکى انفعال و نفرينى اظهار ايلبوردي. عادتاً ملت عثمانيه يى ايقاظ ايتمه که چاليشيوردي. آلمانيا ايسه بسبتون معکوساً حرکت برله کندى منافع اقتصاديه سنه خدمت ايتمک ايچون ملتى ازن بر ربه اسارتک ادامه سنه غيرت ايدبوردي.

حکومت مستبد زائل، يرينه بر حکومت مشروطه قائم اولور اولماز انکلتريه تبديل مسلك ايتدى. سياست قديمه سنه عودت ايلدى. المانيا نك مسلك حرکتده کى تبديل ايسه عکسى صورتده واقع اولدى. کوکل استردى که بوظنيات ومحسوسات هپ ياکلش چيقسون. آلمانيا کى بردوات قوى الشکيمه حکومت سنيه مستبد حقه ده کوستردى دوستلنى دولت و ملت عثمانيه حقه ده دريغ ايتيمه رک قلوب عثمانيه يى غافلانه دکل، حقيقى بر مخادنتله استجلاب ايتسون. ايستر ايسه آلمانيا بو محاکماتى بک يقينده هرج ومرج ايدر، سفامت افکار مرمى اثبات ايلر. بين الدول عهده يى تقرر ايدن قونغره بو بابه الك کوزل و بک مقنع بر فرصت تشکيل ايليه جکدر!

محمد صالح